

Wp/guc/Kanasü

< Wp | gucWp > guc > Kanasü

Tü **Kanasü** (alijinuaki: *estampados wayuu*) Shíia sainjala Wayuu akúmujusuka sukoró'lo, supüla anainjatu sumaa, kanüliasu sutumá. Tü sunülia á'apünusu sunainjeé tü alataká numüin, nuchajain sukuwaitpaa supüla anainjatú su'shajié so'u: Ainawashika, Susu, Süii, Süshen jee su'sapatshe. Tü sukumüjainka Wayuu mioüsu sashajajeká, akujusú süchikeje alataka Wajiira sumaiwa, síia eke ein.

Tü Kanasü Shiatáin Wayuu supüla ein kassa nüikuin sumüin ee keiréin ain sukúmujakaá wayuu. Tü kanasü sunaisü supüshuwale kassa ekaa müin sain ashempalaa, külulaa jee ekee ein.



Kanasü sünain wanee pülaasa

Müsuu sukuwaitpaa tü kanasü sumüin Wayuu

Tü wayuukalirua atijusü aainjaa kanasükaa sünain supüshuwale shiiatáin kajamüin shi'rüin sa'ainjala alijuna. Sutuma müin, tü wayuukalirua sushajüin sukuwaitpaa sulü tü tapiisükaa jee kanasükaa; musuu suchukuwaje:



1. Piuushii (*Mütsiia*): Laa'ulaaka oüshi jiia mulo'usuka laa'ulaa, shi'ika pülasuukalirü jee sa'ain alaataka soou mma, ekaa sünain supüshuwale mmakat sawaitpaa
2. Araliatü (*Jorottusuü*) Laa'ulaakai atüshii niia mioü'shikai tata, niiakuwa jorotüi, kai, palaa jee siia weinshi (*Tiempo*)
3. Pülaashikana (*Ishosü palajanaka*) Susheyuu Wayuu atijaaka ma'in jiia sutchen mma, juyaa, palaa, wawai, jemiai, tutchii, shuliiwala, kashii, joktai, pülowi
4. Wunü'ülia (*Wuitushiika*) Suchoinñu pülaashikana jiia ekaa wuitusü soou mmakat, suchoinñu juyaa sumaa mma, sumaiwa tü wuitushiika kawuisü jee maimasü sutünaa, asüsü wuin, kai jee joktai. Anaachonsü jee asotüsu epünaa ein. Eesü ee erajunüin ma'in müin sa'ain tü laa'ulaayuuko Isha, Ju'urala, Malüwa, Rüipi, Jeyutsee jee waneeirü.
5. Wayuukalirü (*Irüwanain*) niia chii atijashikai sünain ayatawa, nüchon iwa umaa juyaa, pejesü sünain mma jee siia pülaashi; kajamüin tü wayuukalirua eküsü sainjala mma müinka tü apaain jee siia nunain chii pülaashikai kajamüin tü wayuukalirua eesü susheyuu jee lania sumaana.
6. Ja'ain mma Pasanainka sünain supüshuwayale, shiia supülajana weikaa mmakat, kajamüin jiia mulo'usuka laa'ulaa jee siia kainjalaka ekaa soou mma.
7. Wuchii mürü'lü

Retrieved from "<https://incubator.wikimedia.org/w/index.php?title=Wp/guc/Kanasü&oldid=1085218>"

Text is available under the Creative Commons Attribution-ShareAlike License; additional terms may apply. See Terms of Use for details.